

北洋官報

目錄

宮門抄
上諭

交旨

奏議◎吏部奏嚴辦 恩蔭摺△度支部奏遵議清理財

政辦法摺
公隨◎郵傳部札二件△漢礦公司詳一件△董事會申

一件△文移一件
文告三則△電報六則△新聞七則

要件◎續憲政編查館奏定選舉章程

戊申官報目錄

本日增刊戊申官報目錄一頁

本局第八十期政法學報已出

宮門抄

正月十四日 吏部 呈進春季摺紳 召見軍機 吏部遞封奏一件

上諭

正月十四日閣抄奉

上諭陝西延綏鎮總兵員缺著張定邦補授欽此 監國攝政王鈐章 軍機大臣署名

交旨

正月十四日 軍機大臣欽奉

諭旨度支部奏幣制重要宜策萬全請仍飭會議一摺著交會議政務處妥議具奏欽此

奏議錄要

吏部奏覈辦 恩廕條款摺

奏爲欽奉 恩詔核辦廕生由題改奏事准禮部頒發光緒三十四年十一月初九日 恩詔內開文官在京四品以上在外三品以上武官在京在外二品以上照現任品級各廕一子入監讀書等因欽此查定例各官不論加級及宮保等銜均照食俸廕子非現任者不廕原品解任食俸者准廕又承廕定限三年有軍務省分統兵大員准其展限一年如再逾限即毋庸置議各等語查品級考內開正一品內閣大學士從一品各部尙書都察院御史正二品各部侍郎大理院正卿從二品內閣學士翰林院掌院學士各省布政使奉天吉林交涉司使奉天旗務司副都御史宗人府府丞翰林院學士各部左右丞大理院少卿大學堂總監督度支部總銀行正監督造幣廠正監督順天府府尹各省提學使各省按察使東三省提法使雲南交涉使奉天吉林交涉司使奉天旗務司使使從三品民政部內外城巡警總廳廳丞大理院總檢察廳廳丞各省鹽運使奉天度支蒙務二司司使吉林度支司司使正四品翰林院侍讀學士各部左右叅議順天府府丞國子丞掌印給事中法部京師高等審判廳廳丞法部京師高等檢察長大理院推承度支部總銀行副監督造幣廠副監督從四品翰林院侍講學士內閣侍讀學士法部京師內外城地方審判廳廳丞等官俱照現任食俸品級各廕一子其原品解任食俸者亦照例准廕又定例衍聖公襲廕照正一品總督與尙書同巡撫與侍郎同又查成案內務府大臣照正二品給廕三院卿照正三品給廕又各國出使大臣現經改設專缺所有二等出使大臣應請照二品給廕三等出使大臣頭等叅贊均應請照三品給廕所有旗員之子應取其該旗印文漢員之子應取其該衙門印文在外各官之子應取其督撫各該衙門印文俱開明應廕姓名年貌籍貫送部臣部照例彙奏註冊給照俟 命下之日通行各部院衙門及八旗都統直隸各省一體遵照辦理所有臣等覈辦廕生由題改奏緣由謹恭摺具陳候 旨遵行伏乞 皇上聖鑒謹 奏光緒三十四年十二月二十五日奉 旨依議欽此

度支部奏遵 旨妥議清理財政辦法摺

奏爲遵 旨妥議清理財政辦法恭摺覆陳仰祈 聖鑒事光緒三十四年十二月初十日內閣奉 上諭前據度支部奏清理財政宜先明定辦法一摺當經飭交會議具奏茲據覆奏朕詳加披覽與度支部原奏大致相

符更有補原奏所不足之處全國財政攸關不厭詳求著將原奏覆奏各摺件一併再交度支部妥慎斟酌另行具奏欽此欽遵由內閣鈔出到部仰見我 皇上慎重財政 睿慮周詳莫名欽感竊維理財爲庶政根本故憲

政籌備卽以清理財政爲初基度支當財用匯歸則清理章程自以統一財權爲先務臣部前奉 明詔頒布

清理財政章程深慮權限未明卽章程亦成虛設故先舉其大者數端以便於從事清理於是臣等有明定辦法六條之奏蓋爲遵 旨清理財政起見並非於內外臣工強相執難也此次會議政務處覆奏大致以各省辦事

之艱難疑臣部操持之過急既壁統一之議仍多遷就之詞臣等一再推求亦知積重之弊勢難驟返顧以迫於事會責無旁貸現奉 諭旨令臣部妥慎斟酌另行具奏自應逐款詳議期臻妥善敬爲我 皇上縷晰陳之一

覆奏稱募借外債統歸度支部主持咨明外務部會商辦理又稱各省如願自向外國放債之人相商者准商定辦法仍歸度支部出名立約承借一節查整理國債自係臣部專責外債關乎交涉自應咨明外務部以昭妥慎

外債流弊言之疚心去年六月間臣部經有豫爲裁制之奏此次臣等原奏慎重外債固深慮事權紛歧漸開侵軼之路亦欲使豫算適合不悞清償之期而用意實在於不使輕易募借倘無論應否舉債准由各省各自向放債

之人商定辦法由臣部出名承借是放任仍舊而中央財政益滋其患也請嗣後各省各省必不得已募借外債應先經臣部核准由臣部會同外務部奏明再由臣部出名訂借交該部該省領用各省各省不得逕向外國訂借如

此則該債指抵之款償還之期自應由臣部合計全局豫算核定其從前各省已借洋債應如何分年歸還均令各部各省於國家稅地方稅未劃分以前籌定切實辦法報部立案至國家稅地方稅劃分以後如何分別動用

亦應豫爲議明以免屆期轉轄二覆奏稱在京各衙門款項分別經收隨時報明度支部其應銷款項照常支撥如有浮收濫費可咨商該衙門切實核減概令解交部庫再向部庫請領徒多周折一節伏查雍正年間設立會考府

察核各部院動支錢糧以 國初費用之簡而立法之嚴尙且如是近日在京各衙門款項乃自收自用臣部無從過問前年內閣學士吳郁生奏請明定養廉統籌畫一辦法近日御史謝遠涵奏官祿不均請一財權而除積弊各

摺片皆以各部自私財用爲言臣等實引以爲疚現當籌備憲政財政統計又爲臣部專責若中央財政任成分劃之形殊非憲政國庫獨立之法且臣部既司國庫則盈虛質劑具有權宜若仍令各衙門自爲收支則肥瘠不均迨

論制用覆奏計徒費周折是仍多遷就之意應請嗣後在京各衙門將現在已籌及將來應籌之款分別情形或由臣部直接經收或由各衙門經收統由部庫收發各衙門應銷款項暫仍照常支撥將來隨時損益如實有不敷再由臣部核定奏明撥補以資辦公三覆奏稱各省官銀號所出紙票應由公家擔其責成自應由部稽核但須聲明此舉專爲稽查票數成本起見所有盈利仍歸該省支銷並不提撥一節查各省官銀號發出紙票其濫惡實過於日本明治初年之藩札稅政日深隱憂滋大聞湖北江蘇等省爲數尤鉅近外人以事關商務會照會此等紙票是否國家擔認各省既向不咨報無從知其底蘊實屬難於答覆近日各商埠銀根奇緊危險迭出滔滔之勢爲害何堪設想各疆臣既濬此利源自當擔此責任籌本金保信用必已夙有權衡而臣等私憂過計作此未雨之綢繆蓋懼其害非冀其利也覆奏請由公家擔其責成且沾沾以盈利爲言均未深明此中弊害應請 旨飭下各省督撫所有現開官銀號無論舊設新設將開設年月及資本實數現在發出紙票若干預備金若干經理協理何人限六個月逐一詳細列表送部以憑稽考而期核實郵傳部交通銀行亦一律辦理四覆奏稱各省關涉財政事件除非常變故外遇變通成法須先咨部籌商並分別內銷外銷咨部辦理俟清理款項後酌留若干以備特別之用一節查各國制定預算一切經費均須照預算案支出而預算冊內有第一預備金以備預算內不足之用第二預備金以備預算外事故之用此外設有軍事及其他災害鉅需非普通預備金足以濟事者則更有追加預算之法臣部此次奏定清理財政章程第十四條內開自宣統二年起逐年將京外各處送到預算報告冊詳細核定奏請施行又第二十二條內開遇有臨時特別重要支款未經列入預算冊或已列預算冊而收不足額不敷所出由該省督撫會商臣部隨時奏明酌量籌撥是各省試辦預算以後凡款項皆入預算自不能仍沿外銷之名預算本可追加自無妨酌留特別之款此次臣等原奏係爲清理財政令各省將向來外銷款項據實報部以便確知全國歲入歲出總數爲劃分國家稅地方稅地步應請 旨飭下各督撫將該省出入款項無論向爲報部向爲外銷照臣部議覆御史趙炳麟奏請定立預算決算及會議政務處議覆該御史奏統一財權整理國政摺內所陳辦法通盤調查據實報部不准絲毫隱飾至各省關涉財政事宜自非軍務災賑迫不及待者均應照臣等原奏所稱未經臣部核議概不准行至所稱每省遴派一二員限三個月來京赴度支部面爲籌商一節原爲劃清款項起見現在清

理財政章程甫經奏定一切款項無從劃分應俟財政清理就緒後再由各省派員赴部籌商五覆奏稱藩司歸部考核所筭財政每季造冊報查一節查臣部奏定清理財政章程第十一條內開自宣統元年起各省文武大小衙門局所應將出入各款按月編訂報告冊送清理財政局由局彙編全省報告總冊按季呈由督撫咨部各省清理財政局係以藩司爲總辦是藩司既爲該省總筭財政之官即兼任清理財政之責所管款項按月由司報局按季由局報部藩司按月報告固不至以繕造爲勞而臣部按季綜核亦不至以閎算爲難應即遵照章程辦理且查外省官員向准直揭部科藩司爲臣部行政之官更應聲息相通以收指臂相聯之效嗣後遇有關涉財政稍爲重大事件除隨時詳報該管督撫外仍應一面徑報臣部以重考核六覆奏稱各省造報另定冊式並展寬限期加重處分一節查各省造送預算決算報告冊應定期限臣部業於清理財政章程內分別奏定並聲明所定期限如有任意逾限以致預算決算無從預備貽誤憲政者該藩司或度支使由臣部據實奏參等語應即遵照章程辦理至預算決算報告各冊與從前報銷舊案不同自應另訂冊式臣部現擬逐一釐訂交清理財政局遵式填送至逾限期分宜如何加重之處應由臣部會同吏部斟酌擬訂另行具奏其宣統二年前預算案未經成立一切報銷期限處分仍遵照舊例切實辦理以上六條或爲臣等原奏所未議及或與臣等用意稍有不符均逐款詳陳以期合於統一分明之義至覆奏內稱統一之本首重乎通分明之源莫先乎信自係扼要之論惟謂部中於外省款項每令其據實報明聲言決不提用及至報出往往食言故外省常畏其相誑等語各省外銷款項固非盡屬虛糜故前年臣部議覆御史趙炳麟請定立預算決算摺內奏令各省將外銷款項通盤籌畫悉數奏明果係實在應用即當予以劃留續將此意開誠布公函告各省在案而各省至今竟不置覆是外銷究係何款臣部從未預知所謂及至報出往往食言者果何所指政體攸關未便以此等虛詞爲臣部叢詬之地揆之事實殊有未合又覆奏內稱外省用款但據實開報即予准銷不以憑空之理想遙爲臆斷不以陳年之舊例強爲相繩使疆臣視之爲助我之人不畏之爲厄我之人疆臣爲朝廷使任大臣其人可信則於財政一端不必致疑等語各省用款歸部核銷准駁之權固應有在從前例案銷冊本有定式倘各省捏造則稽核亦爲具文然舍此則蕩然益無所守年來新政繁興本無例案可引而臣部核銷各案自非不確實甚並未嘗苛以相繩至於設官分職本期内外相維將來憲政成立仍

當設立審計院即臣部會計亦在察核之列謂爲相詎謂爲致疑均非中正之論總之與天下相見以誠而後可無隔閡必內外俱爲一體而後可言事功自財政艱難日趨窮蹙已竭力補苴之不暇更何論庶政之待興長此因循實爲非計臣等一再遲遲籌之至悉固知積習既久驟予更張非常之原黎民懼焉若內外臣工受國厚恩當籌備憲政之始基爲統一財權之計畫似未便膠執成見有內外畛域之分自不得隱飾相蒙仍彼此隔閡之弊現在朝廷百度維新特飭臣部清理財政在臣部固應蠲除煩文爲實事求是之政各部院各督撫亦當念國計關係之重諒臣部綜核之難推誠布公協力相助俾臣等得舉其職權而財政庶期於整理區區愚誠不得不再行披瀝上陳伏乞 飭下京外各衙門合力同心共維大局臣部幸甚財政幸甚所有遵 旨酌議清理財政辦法緣由謹恭摺具陳伏乞 皇上聖鑒訓示謹 奏光緒三十四年十二月二十五日奉 旨著依議欽此

公牘錄要

郵傳部札電政局保送高等電生考用並飭議創設電料製造廠辦法文

爲札飭事承奏廳法制科案呈據留日學生何一新稟稱頃閱報章登載貴部收回商電自宣統元年起核減二成每年約短收六十餘萬凡屬商界學界無不歡迎等語捧誦之下不禁爲中國前途幸非貴部及政府之大魄力曷克臻此彼商人營業性質沾沾目前小利斷不能望電政之發達遠甚近又聞因大操而修安徽至太湖電綫三百餘里因軍務而修貴陽至興義一千餘里因邊防而修科布多至綏來二千餘里因振興實業而修太原至歸化至甯夏二千餘里因交通腹地而修保信七百餘里漢信六百餘里汝光三百餘里汀漳五百餘里宜荊上海川沙吳城廣信萍鄉義甯等不下二千里近又復收回東三省東清全路日俄電綫爭回利權甚大又不惜重賞改用新式電話提倡無綫電報籌設川藏五六千里之綫開全國交通最大之機關一年之間百廢具舉以今日之效果證以昔日之浮言則貴部經營之苦心可以昭然若揭惟竊有請者凡自古辦事首重人才而人才非培植不可近聞上海雖有實業學堂而款項不足成材甚少伏願貴部於京師設立實業專門學堂及多送學生出洋或就現在出洋學生幫貼學費使之畢業後歸爲我用自己設廠製造材料以塞漏卮此又辦理電政之要著生等所日夜翹

企者也生等爲貴部銳意振興部務故敢貢埃壤以期一助並非希圖私利等語查中國報價甲於全球非大加核減無以期發達故本部不惜減折數十萬以利各界之交通至推廣各省邊僻綫路本無利之可言然爲大局起見自不能顧惜目前小費况電政既改歸官辦自與商辦性質不同必須統籌全局雖或小有虧缺而此繼彼盈實可收間接之利益統計之於國家實無所損此電報之所以必須官辦也至培養人才一節本部現在署中設立交通高等學堂已派留日學員李主事景銘方主事兆熬就近調查日本郵電學堂辦法繪具圖說寄部并已建蓋房屋訂立章程一俟聘定教習夏間即可開辦擬即考取各省實業學堂高等生以充其選至派遣學生出洋及幫貼出洋學費一節本部管轄上海高等實業學堂除前經派遣英美法比日學生三十餘名外復津貼留日自費學生五十名并已咨行駐日出使大臣擇取畢業專門優生咨送本部錄用上海實業學堂經費支絀經本部飭令電政局每月籌墊七千兩并撥給電局花紅以資補助均經本部提倡不遺餘力現在該堂實力整頓成效昭著至設廠製料一節本部於上年四月間派周道萬鵬吳主事炷靈赴葡京電會之便到美考查電廠辦法現美商平嘉禮到華願訂條約合股創辦如果此事一成不特中國之生料可減輸出外國之熟料可減輸入挽回利權不少即工匠人等俱用中國人則養成人才甚多且可免數千人之坐食即如吳慈讓鄭鴻等呈驗乾濕各種電瓶因係手造故未合格若設廠經練便可成材實爲今日之要著爲此札飭札到該局即便遵照慎選該局附設學堂高等學生保送聽候考試錄用至設廠一事仰即統籌每年需用材料若干成本若干養廠經費若干或先造一二樣通行材料或兼辦別項營業務期節省經費堵塞漏卮即與平嘉禮妥商辦法稟候核奪切切勿延此札

郵傳部札北京電話局購買新式電話機器核實訂價文

爲札飭事電政司案呈照得前因北京電話機器太小呼應不靈未爰人意亟須籌換新機以圖改良當經札飭周道萬鵬前赴萬國電政公會順道考求東西各國電話并令各洋行開具機件價單送部核奪在案茲據東西各洋行將各項價單陸續寄到查閱單開各節固價目之不同亦良慮之各別亟須認真考求加意比較以爲一勞永逸之舉合將原單札發札到該局即便遵照詳細考核并由該局擬定合同底稿呈候核奪總以物良適用款不虛糜所有回用使費陋習悉予刪除以歸核實無論本部及該局人員如有在外招搖撞騙一經查實定必嚴行叅辦當

此整頓之際各該員務當潔己奉公保全名譽是爲至要凜之此札

灤州官礦有限公司詳擬再續招股本銀三百萬兩文並批

爲詳請事竊本司職道等於本年四月初八日奉 憲台札飭勸辦灤州官礦并以灤礦界內產煤甚富亟當寬籌股本大加擴充以闢利源而供取給并蒙籌撥官股銀五十萬兩以示提倡本司職道等遵即公同招集商股銀百五十萬兩勘定礦界購訂新機建廠開辦迭經先後詳明各在案伏查灤州官礦原定礦界三百三十方里劃分三段爲三大礦現在馬家溝第一礦業經興工開挖大井其附礦之陳家嶺等處亦已出煤甚旺布置經理諸已就緒亟宜將第二第三兩礦接續開辦以冀速收成效惟是規模既擴股本宜充原招商商股銀二百萬兩實不足資展拓經本司職道邀集各股東公同會議擬再續招商股銀三百萬兩其公司股票息單及招股章程一切均照前式辦理仍分整股零股兩種以便招集官利仍常年八釐先儘原股東攤入不足者再招新股以資經營而宏礦利所有擴充礦井添招股本緣由擬合詳請 憲台鑒核示遵實爲公便

督憲楊 批據詳已悉該公司原招股本銀兩不敷展布擬再續招商商股銀三百萬兩其利息股票息單仍照前案辦理事屬可行仰仍將續招股本數目隨時具報查核繳

天津縣董事會申學台文

爲申解事案查清丈公所經理各項廟產進租項下有應行申解學務公所初級師範經費銀三千元一案本年七月敝會成立接管清丈公所經理各項廟產照章收租自應將此項初級師範經費按數撥解以重學款惟查清丈公所於本年四五月間移交議事會復經轉交敝會授受需時以致春夏兩季租款多未收齊迨敝會接管後迭經催繳各租戶貧苦居多推緩耽延至年終仍未能一律繳齊現在查核租款不敷支撥謹先解交此項經費銀二千元敬希查收至下欠之一千元擬俟明年再行續解諒蒙俯允所有廟產進租項下應解初級師範經費銀先行撥解二千元緣由理合備文申請憲台鑒察並祈將收到緣由賜覆以便備案望速施行須至申者

天津縣董事會移天津縣文

爲移送事案於本年十二月初六日接准前縣台張函開案查本年清丈公所未經裁撤之先彼時春季廟租尚未

繳齊所有應支各學堂經費等項悉由敝處墊支共計洋一千二百十六元七角三分迨後清丈公所裁撤移交貴會接辦當將收支各款繕冊照送並於文內叙明敝處墊項希將廟租收有成數即行送還歸墊迄今日久尙未送還現屆歲底各款待清用特函催即祈照數送還以清墊款而免虛懸等因准此遵於廟產進租項下提銀洋一千二百十六元七角三分送呈案下以清墊款擬備文移送爲此合移縣台請煩查收祈即見覆施行須至移者

文告錄要

督憲批示錄要○大名鎮言鎮敦源稟赴東路查防巡閱邊境起程日期由 批據稟已悉繳○阜城縣鄭令阜康會稟查放冬撫完竣由 批稟冊均悉仰賑撫局查核飭知並移藩司知照繳○南皮縣孫令鴻烈等稟查放災民冬撫現已完竣由 批稟摺均悉仰賑撫局查核飭知並移藩司知照繳

學台批示○直隸師範文科畢業葛會澧稟病痊銷假以盡義務一案 批據稟已悉該生既已病痊仰即在籍靜候核派俾盡義務可也○正定府中學英文教員孔祥鳳等稟六月薪金並未發給懇恩飭堂如數給發一案 批 據稟已悉該教員等係由本司調令回堂加習與調充教員略有區別况事已經年未便再行強令支給仰該教員等無庸以此區區介意也

附錄天津官事○清河道李觀察樹棠山海關道周觀察長齡均於十三日由任來津赴 院稟見○津浦鐵路督辦呂大臣海寰幫辦孫大臣寶琦均於十四日由津早車回京

電報錄要

路透電○法內閣現在訂立表式擬籌辦安南借款五十三兆佛郎以爲築造雲南邊界鐵路之用

又電○美國新總統戴夫德氏携帶隨員至巴拿馬連河遊歷戴氏因連河工程頗有進步甚爲滿意聞該連河仍照舊法開掘據總工程師聲稱於一千九百十五年可以行輪云

柏林電○土耳其國抵制奧貨一事現已止息

又電○俄政府對於土布兩國交涉問題擬以財政之策干預一切如此布國必欠俄國之債布政府對此辦法甚爲贊成惟奧國頗反對之

又電○土耳其政府聲稱土國對於近東交涉當時擬將東魯米尼亞邊界更正但現在將要索賠款增至一百一十五兆鎊云

又電○南美委尼瑞拉國政府現在追究前總統喀斯羅氏唆使他人謀刺現任總統葛米斯氏之事

新政紀聞

政治

通飭各屬整頓警務○江督端午帥以警務爲憲政基礎其關於地方治安良非淺鮮而各該地方仍不免有奸徒搶劫擾害居民是該牧令暨該巡官等對於警務之毫不知整頓其平日糜款請械敷衍表面實屬不成事體去臘特通飭各屬立將所辦警察切實整頓一面派員密查尚有辦理不力即將該管牧令及巡警官弁一並參處以爲不知整頓警務者戒

諮議局籌辦處紀聞○江西諮議局籌辦處詳撫院文云竊查本處舊稱創辦所奉 憲札飭遵 憲政編查館改爲今名續蒙 頒發章程選派官紳分科治事已遵 示定期實行開辦當此新舊交嬗之際規模固有不同而精神實相繼續所有前年移交公事須次第清理移交案卷有各待議覆一項其由 憲台飭議者如萍鄉煤捐學款爭執等事其由商會移請者如經理水龍以銳爲便等事其由教育會移請者如撫州學界抽收蔗捐與南昌縣齟齬等事微窺用意之所在原注重諮議二字謂爲輿論代表機關故事處疑難待決議以衷一是惟代表輿論須有議員若干人會商公決多數是從方足愜人心而彰公理此係諮議局成立以後之事與現在情形不合現在爲諮議局籌辦處顧名思義僅能辦理構成諮議局之種種要件其他非所能及况籌辦諮議頭緒紛繁限期迫促各員黽勉從公猶有日不暇給之勢若兼收旁及捨田芸田恐於本職反多貽誤應請嗣後所有地方公事除府廳州縣爲籌辦諮議局選舉各項事宜應仍行處議辦外其餘非本處範圍以內之事暫行邀免飭議即從前飭議之件一併邀免議覆庶辦事者得各勤本職收專精之效無叢脞之虞是否有當理合備文詳請

憲台俯賜察核批准施行

學務

批行兼治五經衷義○江督端午帥據圖書館委員王耕心稟呈所撰兼治五經衷義一冊當即批示云查自興辦學堂以來 朝廷明定教育宗旨其一曰宗聖嗣又欽奉 懿旨尊 孔子爲大祀 聖謨廣

遠萬世昭著 欽定學堂章程則自初等小學即注重誦經講經入校之初曾授孝經次及四書日課月程務令通曉此固吾中國國粹所寄凡有教育之責者所應敬謹遵守者也徒以羣言龐雜大道披猖守先則古之心不敵其通變趨時之見遂至良法美意名存實亡人心世道之憂深堪憫歎該員潛心正學夙負時名撰兼治五經衷義一篇冀爲挽救立言不朽嘉尙良深本部堂一再披尋實足爲世對證發藥所有條議各節仰甯學司遵照學堂章程量加採擇檄飭各學堂切實辦理期於經訓修明士風純美是爲至要至稟中所請奏進等情並仰該司核議具覆轉飭該員知照

八旗中小學考試畢業○江蘇京口八旗中學堂及八旗初等第一第二第三各小學堂已屆畢業期限特於去臘由八旗學務總稽查王雷夏稟請學司派員會考以期完善而昭慎重樊提學爰札派學務公所課員蒞鎮考驗由課員分別檢定約同王稽查乘火車晉省稟復一切

推廣法政學堂名額○川省法政學堂舊有學員百二十名近以籌辦諮議局限日成立需員正多實覺不敷分布特由趙次帥商同司道添招紳班六十作爲預科半年卒業分派各地方辦理調查選舉等事宜以盡義務現已出示招考

軍政

札飭各營造送統計表○浙撫增中丞去臘札飭各營文云接准陸軍部電開統計調查表除各省已經填送外尙有全省未經填送或填送一二項未經送全時屆年終早經逾限萬難延緩希嚴飭承辦各員迅速趕辦等因到本部院據此查此項表式逾限已經數月雖疊次札催而送者仍屬寥寥似此任意遲延實屬不成事體茲准大部電催前因詞意急迫合再飛催札到各司營轉飭遵照前札尅日趕辦飛送以憑核轉毋得再延云

飭籌新軍成鎮經費○粵省新軍現當續編砲工輜重各營之際所有軍具槍砲等需用尤多而營舍服裝等件亦須先行準備以免新兵徵到臨時棘手其花生寮等處營房工程及應行添置各項軍具當飭督練公所迅行酌核開單列呈並以此款爲數既巨尤須速行籌備隨時支發方免貽誤當飭司局將此項開辦經費四十萬兩籌備以憑餉械所分批具領

實業

習藝所業已成立○蘇省習藝所以長元兩縣積穀倉改建業奉左廉訪遴委劉壽亭大令督工監造聞該所房屋工場號舍一律仿照北洋習藝所圖樣建造已於去臘二十五日竣工當經陳伯帥率同左廉訪何太守親蒞所中察看工程開辦經費擬將巨臬董道富發封之充公房屋變價倘再不敷另行加撥的款大約今正即可開辦開辦農業速成科○鄂督陳後帥接學部咨開略謂農業一科乃當今實業之原素亟宜推廣學堂以資造就但湖北農業學堂諸生現在專門尙未卒業師資無人刻擬先就各初等小學附設一堂招集支郡師範以及高等小學畢業生入堂肄業由農業學堂撥員教授以兩年爲卒業擬改名爲農業速成科一俟此班卒業後即分派各初等小學充當教習等因大約今春開學後即行舉辦矣

路礦

札催招商開礦○江蘇鎮江府屬礦山經江南礦政局總辦翟觀察會同礦師勘明銀鉛煤三種具報立案茲江督端午帥以迭經四出查勘未見實行徒爲奸民借照影射滋生事端日前特札飭鎮江府及該局招商認真開採稟報保護勘路人員情形○皖省定遠縣具稟撫院略云津浦鐵路頭隊總工程師司英國人德紀副工程師司英國人赫曼士階而拔牛通件護委員孫乃洛梁文啓測量繙譯員邱鼎汾沈振鈞等先後至阜縣境內三界地方晒勘路綫安樁插旗知縣得信隨即會營馳往與各工程師暨委員等互相接洽一面分諭董保認真保護繙譯委員面告頭隊工程師係晒勘路綫之基礎二隊工程師係相度路綫之曲直三隊工程師係測量路綫之高低四隊工程師係審定路綫之寬窄第五六隊工程師係指購地畝約明年夏秋之間五六隊工程師始可到境等語知縣自當派令家丁督同差勇在三界工次常川駐守妥爲照料并隨時移會營汛親往督率董保實力保護俾

免疎虞

章程類

要件

憲政編查館奏定城鎮鄉地方自治選舉章程

(續昨報)

第六節 投票方法

第二十六條 投票人以列名各該投票所之投票簿者爲限

第二十七條 投票人屆選舉期應親赴投票所自行投票不得倩人代理 其城鎮鄉自治章程第十八條第二項特許者不在此限但投票時應將代理憑證向管理員呈驗

第二十八條 投票人應在投票簿所載本人姓名項下簽字畢方准領投票紙

第二十九條 投票人每名祇准領投票紙一頁

第三十條 投票用無名單記法每票祇准書被選舉人一名不得自書本人姓名

第三十一條 投票人應准於選舉票附記格內將所選舉人素行如何公正附記一二事爲衆論所稱道者並得將所選舉人於此格內註明其官銜職業住所等項此外不准夾寫他語

第三十二條 投票人於投票所內除關於投票事宜得與職員問答外不得涉及私言並不得與他人接談

第三十三條 投票人投票舉應即退出不得逗遛窺視

第三十四條 投票人倘有頂替及違背定章等事管理員得令退出

第七節 開票所

第三十五條 開票所設於自治公所

第三十六條 開票所由城鎮董事會總董或鄉董派定管理員掌開票一切事宜

第三十七條 開票所自各投票處送齊之翌日由城鎮董事會總董或鄉董酌定時刻先行榜示屆時親自到場督同管理員當衆開票即日宣示

第三十八條 開票時准選舉人前往參觀若人衆不能容時管理員得以限制人數

第三十九條 管理員應將開票始末情形造具報告於檢點票數完畢之翌日報告城鎮董事會總董或鄉董
所有票紙應分別有效無效一併附送於本屆選舉年限內由城鎮董事會總董或鄉董保存之

第四十條 第二十一條二十二條所定事項開票所一律照辦

第八節 檢票方法

第四十一條 檢票時應先將選舉票與投票簿對照如有票數與名數不符及放棄選舉權等事均應另冊記明

第四十二條 凡選舉票無效者如左

- 一 寫不依式者
- 二 字跡不可認者
- 三 不用投票所所發票紙者
- 四 選出之人不在選舉人名冊內者
- 五 選出之人不合被選舉資格者

第九節 當選決定

第四十三條 凡選舉以得票較多數者爲當選按得票多寡以次遞推票數同者以年長之人列前年同者由城

鎮董事會總董或鄉董抽籤定之

第四十四條 當選人確定後應即榜示並由城鎮董事會總董或鄉董具名分別知會各當選人

第四十五條 當選人接到知會後應自知會之日起五日以內答覆應選其逾期不覆者以謝絕論

第四十六條 一人兩級均當選者應自知會之日起五日以內答覆願應何級之選其逾期不覆者亦以謝絕論

第四十七條 前二條以謝絕論者照城鎮鄉自治章程第二十二條辦理

第四十八條 凡應選者由城鎮董事會總董或鄉董呈請地方官給予執照並由地方官呈報督撫彙咨民政部

存案

(仍未完)

度支部奏核議江甯學務用款無著銀兩碍難作正開

銷摺

又奏議覆駐藏大臣奏整頓藏事寬籌的款摺

又奏議覆河南巡撫奏搭鑄當二當五銅元片

直督楊奏優級師範學堂期滿畢業請獎片

二十五日

郵傳部奏擴充電政擬歸官辦以恤商艱摺

浙撫馮奏浙省新定畫分警區章程等摺

二十六日

陸軍部奏定陸軍警察隊試辦章程摺

農工商部會奏核議新定礦章請酌予變通摺

二十七日

農工商部等會奏籌議畿輔農田水利辦法摺

考察憲政大臣于奏立憲必先正名摺

二十八日

學部奏進士館出洋游學各員畢業請派大臣會考

摺

署直督楊奏招商購米平糶請展限三月片

考察憲政大臣于奏報行抵柏林日期摺

御史趙炳麟奏請統一財權整理國政摺

二十九日

學部奏籌設京師優級師範學堂並派充監督摺

東督徐等奏酌擬增改江省道府廳州縣辦法摺

御史史履晋奏禮學館宜專派大臣管理與法律館會

同商訂摺

三十日

東督徐等奏設立東三省講武堂暫行章程摺

又奏擬東三省憲兵學堂試辦章程摺

又奏東三省測繪學堂擬照章辦理摺

六月初一日

修訂法律大臣沈等奏謹擬諮議調查章程摺

東督徐等奏湯原大通兩縣所屬江北地方擬改歸江

省管轄摺

又奏考察蒙務情形擬派員督辦摺

初二日

東督徐等奏設立吉江電綫並籌修綫路推廣電話摺

又奏吉省交代例限擬請分別新案舊案變通辦法摺

又奏設立農事演說會暨植物研究所摺

豫撫林奏請議免迴避原籍敬陳管見摺

初三日

會議政務處奏議覆科布多參贊大臣籌擬科布多情

形摺

吏部奏請 簡翰林學士缺並聲明辦法摺
修訂法律大臣沈等奏調員差遣片
東督徐等奏遵照奏定變通辦法揀補各缺摺

初四日

民政部奏遵議山西警務學堂高等學生畢業請獎摺
學部奏八旗高等學堂中學班學生暨五城中學堂學
生畢業援案給獎摺

又奏湖南高等實業學堂豫科比照中等實業學堂畢
業給獎摺

初五日

憲政編查館會奏議覆修訂法律大臣等奏請編定現
行刑律摺
署直督楊奏查明隆平縣鄉民滋事一案請將知縣各
官懲處摺

初六日

陸軍部奏議覆成都將軍等奏攻克桑坡各員請獎摺
鄂督陳等奏鐵路需款請續辦鹽斤口捐摺
護贛撫沈奏裁併同處摺

又奏設立調查局片

初七日

陸軍部奏熱河圍場裁撤駐防另籌安置摺

又奏撤銷武職保案並酌擬分別辦法摺

初八日

陸軍部奏聲明歷屆校閱陸軍分別獎罰另訂章程片
直督楊會同熱河察哈爾都統奏協勦蒙旗馬賊情形
並請准獎文武員弁摺

初九日

農工商部奏和屬華僑設立商務總會援案請給關防
摺

察哈爾都統誠奏請自開商埠摺

陝撫恩奏陝省學務公所擬定章程分派課員片

御史吳緯炳奏分發各員擬請將指省掣籤章程分別
變通摺

初十日

度支部奏酌加鹽價抵補藥稅摺

江督端等奏蘇州冬漕擬由火車運滬議定章程摺

十一日

吏部奏請 派查驗詢問保荐人才王大臣擬由軍機
處開單摺

處開單摺

農工商部奏請頒晉紳創設保晉礦務公司關防摺

江督端等奏武進縣建造宋臣王安節專祠懇 恩列
入祀典摺

入祀典摺

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改名啓新洋灰有限公司稟奉北洋升督憲袁咨准農工商部註冊立案上名購到外洋最新式機器全副去職業已開機所出之灰據西洋化學師大考驗拉力結力俱高出外洋之貨且機器加大出灰足數均願購用尚有製造之紅花磚洋灰瓦水溝管管子等項無論躉零交易均可本公司總理處設在天津海大道英租界先農公司對面並於北京烟台上海漢口等埠均設分銷處藉廣招徠如蒙訂購交貨無不從速至價廉貨高久爲中外紳商所信用不待贅述所有本公司各種磚瓦等件尺寸重量式樣及大概用法另刊華洋廣告光顧諸君請向本公司索閱價值一切亦可接洽也
得待風一千三百九號

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器瑤藍 奇巧美疇玩器 日用雜貨俱全 學界文房用品 旋行攜帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啓

井上病院廣告

本醫院創設天津歷有年所其治療病症無不立時奏功是以屢蒙官仕紳商推許奏譽遠近周知茲因北洋官醫局之聘除星期外每日早十點鐘起至午十二點鐘在官醫局視病其餘時刻仍在本院候診茲將改訂時刻開列於後 一每日自早八點鐘至十點鐘在本院診視過時即赴官醫局午後歸院照舊診視至五點鐘應聘出診惟星期則整日在院 二凡遇有重要病症除往官醫局時刻外隨時皆可出診不拘時限或有應剖割病症隨時來院均可註治 三本醫出診除應收醫金外概不多取如有車夫索費等弊請即告知本院斥辦 四凡來病院取藥者無論何時皆可配給 五本醫院備有潔淨養症室上等三間次等五間三等五間看護周到飲食一切或有自備或囑院備悉聽尊便醫院仍在日本租界海光寺東馬路德律風一百九十三號 本醫院特白

日本最近政學調查記廣告

近來游歷日本冠蓋相望日記一書浩如煙海求其見聞確實鈎玄纂要者每不多觀膠州逢

馥齋觀察承項城袁樞相之命赴東攷察政治游歷匝年於政治議會察裁判

監獄軍事學務農林漁業鐵道銀行無不各有心得洞見源流是以載筆成書原原

本本網羅無遺復經日本大隈伯爵高田博士贈以序文推其典麗翔實得未曾有自

嘉應黃氏之日本國志德清傅氏之日本圖經外得此而三久為各當道稱許現當

預備立憲時代有欲研究政學者乎曷手一篇耶所印無多賜顧者請速購為盼

寄售處

天津河北獅子林北洋官報局
新考工場內路南教育圖書局

及各大書坊

定價大洋一元四角



本行開設天津上海香港志呢華海參巖等處均設立有年諸班貨物由外洋本機器廠自造砧
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
鑽石戒指留耳墜鐲子表墜大小八音盒並留聲話匣單雙桶千里眼砧蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本
行面議可也
本行主人啟



本號開設(北京前門外鮮魚口)(天津估衣街中間路北)(山東濟南府院西路北)等處
自置綢緞洋貨願繡粧蟒花素貢絨絨各色抖蓬哈啞厚呢以及京廣什貨織絨絨貨各色
俱全貨高價廉劃一不二中外紳商賜顧移玉是幸
瑞林祥元記具

欲為諮議局議員者驗

總發行所 上海商務印書館
分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任繁重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

天津商務印書館廣告

◎普通政法書 法學通論一元 法制經濟通論二元 政法理財講義五角 日本法制要旨一元 日本明治法制史五角 政治講義三角 法律經濟辭典布面七角 紙面五角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 日本預備立憲過去事實五分 立憲國民讀本三角

◎議會書 日本議會法規四角 議會政黨論五角 十六國議院典例五角 日本議員必攜八角

◎地方自治書 自治論七角 歐洲大陸市政論四角 地方自治財政論三角 地方自治淺說三角 此外政法書之九重要者

◎法律 有日本法規大全 八十一日本六法全書一元 比較國法學一元 行政法論一元 行政法各論一元 民法原論二元

◎政治 有列國政要三元 政治學一元 那特經政治學一元 政治汎論一元 行政法各論一元 民法原論二元 社會通詮一元 嚴復羣學肄言一元 嚴復羣己權界論八角

◎財政 有經濟通論一元 理財新義五分 英國度支考四角 國債論三角 計學教科書一元 理財學講義四角 計學淺訓五分

◎教育 有日本明治學制沿革 史五歐美教育實際二元 德國學校制度四角

◎警察 有警察講義錄五十四册 雖卷帙較繁 議員苟有餘力而兼治之 則受益無窮矣

◎諮議局章程 要義五分 諮議局調查須知五分 諮議局選舉須知一元 諮議局章程表解三分 尤人人所必讀 無待贅言也

(河北大同同電話 五百二十六號)

北洋官報 第一千九百七十一册 告白

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年起承印各
 項價目格外減讓以
 副官商雅意如蒙
 賜顧請至本局賬
 房面議可也

本局售報價目

本埠售價官報按日一册每月三十册收價銀六角零購者每册洋銀二
 分

法政學報十日一册每月三册收價洋六角零購者每册二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本
 埠售例

本局告白刊例

登一日者每字取洋五釐 三日四釐 七日三釐五 十五日三釐

一月二釐五 半年二釐 長年一釐五

以上均按四號字起碼加寬行數照所佔面積計算

登錄商標刻工另議

三號字加半倍 二號字加一倍

京張鐵路廣告

敬啟者本路自南口至懷來山峒現已通車准於本月十六日開售客貨
 各票特此登報俾眾週知